

ТИББИЁТДА ҚЎЛЛАНИЛИШИГА ДОИР ЙЎРИҚНОМА ОДЕСТОН

Препаратнинг савдо номи: Одестон

Таъсир этувчи модда (ХПН): гимекромон

Дори шакли: таблеткалар

Таркиби:

Бир таблетка куйидагиларни сақлайди:

фаол модда: гимекромон – 200 мг;

ёрдамчи моддалар: картошка крахмали, желатин, натрий лаурилсульфати, магний стеарати.

Таърифи: оқ рангли ёки сариқ тусли оқ рангли, бипланар, бир томонида “Ch” гравировкаси бўлган, думалоқ таблеткалар.

Фармакотерапевтик гуруҳи: сафро чиқариш йўллари касалликларини даволаш учун препаратлар.

АТХ коди: A05AX02

Фармакологик хусусиятлари

Фармакодинамикаси

Ўт ҳайдовчи препарат. Ўт ҳосил бўлиши ва ажралиб чиқишини оширади. Ўт йўллари ва Одди сфинкторига нисбатан селектив спазмолитик таъсир кўрсатади (меъда-ичак йўллари (МИЙ) ҳаракатини сусайтирмайди ва артериал қон босимни (АҚБ) пасайтирмайди). Ўтни димланишини камайтиради, холестеринни кристалланишини ва шу орқали холелитиаз ривожланишини олдини олади.

Фармакокинетикаси

Препаратни ичга қабул қилинганида овқат ҳазм қилиш йўлларида осон сўрилади, плазма оксиллари билан кучсиз боғланади. Қон зардобиди максимал концентрациясига 2-3 соатдан кейин эришади. Ярим чиқарилиш даври тахминан 1 соатни ташкил этади. Гимекромон буйраклар орқали (тахминан 93% глюкуронат кўринишида, 1,4% - сульфонат, 0,3% - ўзгармаган ҳолда) чиқарилади.

Қўлланилиши

Ўт чиқариш йўллари ва Одди сфинктерини гиперкинетик тури бўйича дискинезияси, калькулёз бўлмаган сурункали холецистит, холангит, холелитиаз; ўт пуфаги ва ўт йўлларида ўтказилган жарроҳлик аралашувларидан кейинги ҳолатларда қўлланилади. Иштаҳани пасайиши, кўнгил айниши, қабзият, қусишда (ўтни гипосекрецияси фонида) қўлланилади.

Қўллаш усули ва дозалари

Овқатдан 30 минут олдин ичга қабул қилинади; катталарга – 200-400 мг дан суткада 3 марта буюрилади.

Суткалик доза 1200 мг ни ташкил этади.

7 ёшдан бошлаб болаларга 200 мг дан (1 таблетка) суткада 1-3 марта буюрилади. Суткалик доза 600 мг ни ташкил этади.

Даволаш курси 2-3 ҳафтани ташкил этади.

Дозани қабул қилиш ўтказиб юборилганида, препаратни имкон борича тезроқ қабул қилиш, ёки агар кейинги қабул қилиш вақти яқинлашган бўлса, ўтказиб юборилган дозани қабул қилмаслик лозим. Икки марта юқори дозани бир вақтда қабул қилиш мумкин эмас.

Ножўя таъсирлари

Аллергик реакциялар; диарея, метеоризм, абдоминал оғриқ, МИЙ шиллиқ қаватида яра ҳосил бўлиши, бош оғриғи кузатилиши мумкин.

Қўллаш мумкин бўлмаган ҳолатлар

Ўта юқори сезувчанлик. Ўт чиқариш йўллари берикиб қолиши, жигар/буйрак етишмовчилиги, ярали колит, Крон касаллиги, меъда ва 12 бармоқли ичак яра касалликлари, гемофилияда қўллаш мумкин эмас. 7 ёшгача бўлган болаларда қўллаш мумкин эмас.

Дориларнинг ўзаро таъсири

Морфин гимекромоннинг таъсирини сусайтиради.

Метоклопрамид билан бирга қабул қилинганида ҳар иккала препаратнинг таъсирини сусайиши кузатилади.

Бевосита антикоагулянтларнинг самарасини кучайтиради.

Махсус кўрсатмалар

Ҳомиладорлик ва лактация даврида қўлланиши

Ҳомиладорлик ва лактация даврида гимекромонни қўллаш хавфсизлиги бўйича маълумотлар йўқ. Ҳомиладорлик ва лактация даврида Одестон препаратини она учун даволашдан кутиладиган потенциал фойда ҳомила ва бола учун потенциал хавфдан устун бўлган ҳолатлардагина буюриш мумкин.

Транспорт воситалари, механизмларни бошқариш қобилиятига таъсири

Препарат транспорт воситаларини бошқариш ва диққатни юқори даражада жамлаш ва психомотор реакциялар тезлигини талаб этувчи бошқа потенциал хавфли фаолият турлари билан шуғулланиш қобилиятига таъсир кўрсатмайди.

Қўллашдаги эҳтиёткорлик чоралари

“Қўллаш мумкин бўлмаган ҳолатлар” ва “Транспорт воситалари, механизмларни бошқариш қобилиятига таъсири” бўлимларига қаранг.

Ишлатилмаган дори препаратини йўқотишда махсус эҳтиёткорлик чоралари

Дори препаратини канализацияга ёки уйдаги чиқиндилар учун контейнерга ташлаш мумкин эмас. Ишлатилмаган препаратни қандай утилизация қилиш юзасидан фармацевтдан сўранг. Ушбу чоралар атроф муҳитни ҳимоя қилишга ёрдам беради.

Дозани ошириб юборилиши

Одамларда дори воситасининг дозасини ошириб юборилишига тегишли маълумотлар йўқ.

Чиқарилиш шакли

Таблеткалар 200 мг дан. 10 таблеткадан ПВХ/алюминий блистерларда.

2, 5 ёки 10 блистерлардан тиббиётда қўлланилишига доир йўриқномаси билан бирга картон кутиларга жойланади.

Сақлаш шароитлари

25°C дан юқори бўлмаган ҳароратда сақлансин.

Болалар ололмайдиган жойда сақлансин!

Яроқлилиқ муддати

4 йил.

Ўрамида кўрсатилган яроқлилиқ муддати тугаганидан сўнг қўлланилмасин.

Дорихоналардан бериш тартиби
Рецептсиз берилади.

Рўйхатдан ўтказилганлик гувоҳномасининг эгаси ва ишлаб чиқарувчи
Adamed Pharma S.A.
Pieńków, ul. Mariana Adamkiewicza 6A, 05-152 Czosnów, Польша / Polsha

Ишлаб чиқариш майдони манзили
ul. Marszałka Józefa Piłsudskiego 5, 95-200 Pabianice, Польша / Polsha

**Ўзбекистон Республикаси ҳудудида дори воситаларининг сифати бўйича эътирозлар
(таклиф) ни қабул қилувчи ташкилот номи ва манзили:**

“Adamed Pharma S.A.” АЖ Ўзбекистон Республикасидаги ваколатхонаси
Ўзбекистон Республикаси, Тошкент ш., Миробод тумани, Шахрисабз 2-тор кўч. 6
Тел.: +99855 520-36-76
e-mail: info.uz@adamed.com